

愧

瘖

集

愧瘡集卷之十三

莆田二山野人

七言律

翠翁惠蜀茶奉謝二首

蜀茶今日始開花，欲與山人共歲華。
三朶嬌分團翠幄，一闌紅射滿晴沙。
傾城價重蒼山玉，招隱舟移錦水霞。
他日石湖談勝賞，洛陽黃紫漫相誇。

桃李全開漫故園，錦城花好動吟魂。
僊標憐爾

頻驚雨。春色撩人欲閉門。杜甫百年還短褐。蔣
生三徑幾清尊。閒情最憶東山老。歲歲相看到
石村。

秋日集吳三麓草堂八客席上賦贈二首

草堂新卜華山麓。遶綠浮青雙眼明。江上浮槎
那定迹。松間啼鳥亦閒情。棋枰野日開踈檻。酒
債秋花隱暮城。八客相歡多逸興。醉餘仙骨望
中清。

吳子歸來多住山。海天雲榻翠微間。樵歌村遠

元通徑詩卷雲深欲閉關招鶴漫吹雙笛迺種
芝頻對一尊閒達生吾愛柴桑老歲晚黃花駐
爾顏

同友人過西沖寺

雞足峰高接石林幾年春樹聽鳴禽尋僧路遠
西陂曲扶杖橋過野水陰竹葉還醒江上夢梅
花欲動隴頭吟漫郎隨意輕軒冕數尺荷衣懶
不禁

秋興六首

千峰秋色接春暉
蕙畹蘭臯淨翠微
鷗侶自添青竹澗
鶴雛頻到白茆扉
迴瀾野艇親知共
勝日江門車馬稀
情異楚人悲落木
玉門萬里塞鴻歸

綠蕉心抱雨畦生
睡鴨飛鳶水共明
山谷藏書於太史
風塵投筆念班卿
丹楓野色璇霄曉
黃菊霜華玉澗清
海內同袍多意氣
尺書稀澗迴江城

南屏綠樹散輕陰
晚艷榴花耀北林
九曲山人

雲谷窈四明狂客鑑湖深風簾香炷迴青畫桂
字詩筒結素襟幾曲滄洲歌未徹喜聞黃鳥有
佳音

海天涼雨日風波六十年來白髮多散地野情
滋道籙閒居人事寄漁歌英雄偃蹇虛麟閣天
地蕭條放雀羅秋水西雲懷舊隱夢中玄圃意
如何

未聞漠北散天兵秋半悲笳出塞鳴烽火舊營
連朔氣塵沙列堡劇邊聲漢家遣將三河道秦

帝防胡萬里城望遠野人心欲折五雲宮闕麗
神京

耕原塘下拱文峰碧落蒼涼野翠重江閣詩篇
存舊草友朋巾舄記初逢晴煙鳥度凌僊笛別
浦龍吟逸梵鐘却憶朱雲芝檢秘空山玄室道
人封

草堂飲竹渠移酒

一醉欲眠山月上清歌聊伴野人間合風細篠
螢雙入流水孤村鶴自還阮籍豈知生事拙杜

陵應念鬢毛斑卧龍躍馬俱寥落江上歸來獨
閉關

送陳世鵬赴選北行二首

陳遵曉起扣滄洲雙珮翩翩劍氣浮惜別乍聞
漁父詠感時初抱杞人憂雞峰筠塢杯堪把烏
石松門賦共酬他日相逢增白髮懸魚父喜報
清脩

朔鴈南飛杜若洲碧江青野紫雲浮關河水雪
牽離緒吳越風塵散旅憂萬事嬾予疎放在一

官知爾朴忠酬通家子弟同京洛鄉夢依依路
阻脩

湖上

湖上端居生理拙閉門千竹徑烟微後生問字
時低幘諸老談詩夜款扉下井抄秋園菓熟浮
山間歲墓田肥踈狂欲遂初衣興壽水蘭陵共
釣磯

劉約齋過草堂有作玉槊谷吳三麓林養
齋次教依韻奉答四首

秋風郭上結廬深小隱倏然白髮心野水蟠龍
元有窟九霄鳴鶴幾同音低雲抱日雙峰淨細
竹環谿一院陰爲謝柳莊劉節使獨將詩句紀
登臨

谷口歸來歲已深江門漁父百年心臺烏早見
雲中翮威鳳遙聞海上音陶令閒居廬阜曉王
猷清興剡谿陰蒼霞白石應吾事薜月蘿烟遲
爾臨

城西茅屋薜蘿深明月清谿長道心避地不來

天上夢懷人，頻聽谷中音。南屏杖倚晴雲白，北海尊開碧樹陰。肯爲年光惜，流轉芙蓉高閣日。
凭臨

幽棲漸喜入山深，誰識當年去國心。白下法星遙繫望，羅浮僊笛舊知音。愁隨南國浮雲外，夢落孤舟野水陰。搖落交情今白髮，碧湖風雨亦堪臨。

禱雨東山用林寒谷摘韻二首

驕陽匝地天爲蒸，石燕林鳩安足徵。辛勤頻見

杖藜老趨走還同呪鉢僧西雲三雨事猶祕海
色山光看亦曾三年玩世寄林臥漆室憂時非
我能

豐隆東來西日微閭闔未啓消息違豈有護田
溪澗溢卽看挾雨蛟龍飛石室蒸藜混僧供罽
祠伐鼓連村扉淨土焚香松影亂絺袍繩榻莫
言歸

讀族祖樛庵綱齋韋軒靜齋四公遺稿二

首

薛窓蘿月讀遺編古意令人漫不傳夢草應知
謝子興栖雲長憶邴生賢白茅黃菊廬山社彩
筆青雲閬苑仙未許燈前悵疇昔草堂遙夜斗
星懸

小隱堂開湖水曲風烟林壑入霏微映堦草碧
迴春事隔竹雲來慰舊期南州孺子頻留榻東
石山人早振衣幾日談詩歌世澤瓊花無數傍
漁磯

壽廖梅南太守六十次韻二首

耆年尊酒樂賓初五馬柴扉意晏如問字我曾
留野簌謝文人許餽溪魚青城道侶餐霞訣黃
石仙翁辟穀書朋舊似君清壘少漢庭前席夜
應虛

吳門連榻識君初文采風流我不如報主半生
攜白鶴思親十載謝金魚情高北海難留客才
似楊雄懶著書短徑梅花峰月上行歌聲入碧
雲虛

飲黃澹峰別業二首

膺舟蕃榻隔年期短棹清溪過午移石畔竹光
團野徑峰前松影淦晴漪歌邀落日傳杯劇醉
喜微風秉燭遲炊黍蒸梨知愛客月華初上桂
花枝

主人茆屋俯孤岑薜荔牆低午翠深地靜松杉
棲鶴語江寒風雨卧龍吟空庭黃橘青霄迥別
塢丹楓玉露陰舊日同袍今漸老十年樽俎故
園心

田希古學憲自鐔州訪朱必東馬子莘王

應時留館予病目弗能往卽興成言奉

訂入城三首

希古山人來劔溪白袍皂帽許誰攜松雲杳靄
文峰曉竹日蒼涼野水西葦閣杜陵多舊醞石
門謝客有新題思君欲勒沙堤馬風雨江城去
路迷

幾日青山消病渴漫傳地主有徵君看雲海動
蟠龍窟倚杖溪喧浴鷺群田子不辭黃菊酒馬
卿應愛碧霞文麥斜葵谷堪連榻瑤草瓊芝共

爾分

江州別舸寒流迥楚柳吳楓不記年少喜屠龍
雙劍在老慙射虎一弓懸向平避地身尤健楊
子談經思更玄城裏西山多勝事相期傾倒酒
尊前

林寒谷憲副過雞峯二首

白扉自閉風花靜驄馬西來野興豪巾寫猿峯
憐對酒江湖十載念同袍溪迴野苻魚梁遠日
抱松雲鶴壘高蔣徑陶村曾寂寞農談漁唱未

蕭巖

五月木蘭開紫峯
鷓鴣鷓鴣滿溪潯
林間鹿過藥畦淨
江上雲來竹塢深
小隱壺觴那獨醉
故人山水幾知音
詩成更拄青藜杖
獨立滄浪
朗吟

張纓泉節推集
雞峯有作用韻奉和四首
綠葉紅英明小院
登臨真喜雨初晴
玉山遙盼高軒白
瓊樹虛疑曉憶清
雲淨老龍閒裏
蟄泉鳴少鶴
夢中驚道遙
久脫浮名絆
青鬢烟霞舊

有盟

奚童雲外報雙旌
鳳谷雞峰豁翠屏
野酌天教留客轄
林栖吾喜伴山靈
秋城烟共千村紫
午海潮分萬樹青
却望三台光尺五
未應旁照少微星

閒情飛舄晚遊奇
地主班荆盡日隨
賸欲憑雲蒼几在
莫辭看竹綠尊移
鐘聲寺遠栖鳥靜
月色山深去馬遲
半客兩翁歌未倦
江門漁火共

幽期

避地杜陵還杖屨
撩人春色有新詩
溪山雙眼攄玄覽
風雨孤懷動遠思
語別應憐寒雪後
過家莫戀鑑湖涯
寰中多事君須惜
辛苦生平一劍知

鄭鳴周過訪因懷乃翁麗江守

懶予樗散鬢如蓬
愛爾慇懃送酒筒
鴈塔友朋頻作客
鹿門耆舊未稱翁
孤城月出諸溪暎
野燒山空獨樹紅
海外南征還信息
麗江勳業遲來鴻

送陳廣文博歸平陽

竹扉松館荔花香童子傳君別語長立馬江邊
遲去旆聞鶯柳畔促離觴青氈暖散諸生榻白
壁輝聯野老堂鴈蕩赤城頻入夢何年雙鳥過
平陽

遊香山巖二首

邂逅山人共酒卮廻峰杳靄夕陽遲漫尋芳草
饒幽思獨對晴雲慰舊期谷隱仙壇留五藥林
深僧舍照三芝翠纓再到峰溪洞白石清泉幾

詠詩

吹笛香山倚杖高
冷風筠檻動青袍
野橋羊入滄溪水
春樹平分紫洞桃
雞犬雲深疑化窟
海山天闊欲浮鰲
巖僧老去能談客
日對江門坐晚濤

癸丑人日柯希齋王筆峰飲西源席上紀

事四首

省郎僊舄靜探春
倒屣迎君迥出塵
天上星辰分野動
雲間鸞鶴綵毛新
衡陽圖史涵今古
涑

水詞章屬漢秦勝集只看歌管報青山曾負耦
耕人

斗酒相逢復見春城中車馬更無塵蹉跎歲月
丹丘在荏苒江湖白髮新漢皓芝山終輔主漁
郎桃谷豈知秦淮南冀北蒼梧野同詠甘棠祝
散人

西源人日留賓客喜接同袍舊弟兄白水鹿門
心共遠紫霞樵谷夢還清一時耆舊誰堪老禾
古豪雄各有生閉戶著書驚髮變人期霖雨起

江城

三楚歸來頻避地十年交爾愧稱兄
煙雲彩筆才難盡山水瑤琴志益清
阮籍竹林非縱酒陶潛栗里漫浮生
耕原鎮日懸苓榻同擬吹簫到穀城

次日同筆峰飲希齋宅上次韻四首

栖霞枕谷百年春皂帽青藜不受塵
畫省酒杯清漏永佳辰燈火瑞烟新
虛疑俗學空談古却訝玄言獨劇秦
謝傅東山猶未起淮淝勳業屬

何人

耕原瓊樹共搖春况復梅花淨虎塵已分歲華
將老至不知人事逐時新風波間越憂逾嶺物
色關河喜入秦三祝麥丘天北極側身同作海
濱人

才名弱冠高南斗柯子王郎若弟兄石竹帶巖
雲欲下海棠臨檻月初清金樽隨處攜僊侶至
波他年羨我生天寶建安俱寂寞江門雲谷隱

詩城

雞峰石戶頻招隱舊日村翁訪老兄野語直教
狂客放高歌聊借小童清欲棲孤寺蒼霞滿擬
泛雙谿綠水生二十年來疑一夢莫辭偃蹇卧
春城

劉約齋邀會有作次韻四首

久離塵網泰康年丘壑餘生喜共全碧樹陰浮
春杖外朱花香動午尊前竒遊天遣同雲卧小
醉人扶似蟻旋試問吾墩何許路野航山簌倩
誰遷

閒情同愛艾耆年喜會何當四美全
柏院酒杯紅雨後金橋詩句紫霞前一鳩
隔樹鳴將夕雙燕依人舞欲旋
白首野夫踈放在漫談桑海有時遷

野老明農祝有年鹿門妻子燕棲全
散愁漫及群公後談隱還思千古前
小野看雲鷗共適清谿聞笛鶴同旋
月華入夜淹杯斝未許東人舊興遷

別業相過憶昔年谿翁山叟放歌全
馬鞍魚袋

三霄上蘆浦蘭陂雙眼前
白幘光陰催髮變青
城烟雨送春旋最憐喬木西源近
覘皖鶯聲谷
口遷

柯希齋過草堂同登梅峰席上賦贈二首
伏雨連旬頻閉戶晴霄把袂試登城
玄蟬嘒樹聲初斷白鳥橫江影共清
佛日雲流高士榻
花秋寄野人情雞壇舊侶君猶少
錦里僊遊似
馬卿

清時憐爾卧滄洲二十餘年尚黑頭
幽事頻過

僧世界高才擬作宋春秋南山落日霞標近野
市荒煙海色浮老我虛名真若夢兩溪風雨一
漁舟

夏日訪廖梅南于林后溪草堂次韻

午日西洲薜荔莊后溪芳草亦池塘野雲拖雨
來山徑村鳥看人過竹牆臥綠香聞談劒術踏
青藥長認僊方世間萬事深杯在醉對壺山白
髮長

雪崖過訪留飲

故人相見幾溫存
平水流沙雲滿村
斜日行厨
初摘菜
午時稚子已應門
溪澗細雨前
山暮野
色踈
鐘古寺
昏笑對黃花
饒病髮
一尊聊爾洒
芳癘

雨後過草堂

雨後輕蓊過草堂
門前新水滿池塘
山人漫種
雞峰稻
耕子頻燒燕
寢香花氣半
簾晴塢近
鶯
聲幾樹
午雲長
十年夢斷
春明路
招鶴栖霞
祇
自狂

林西谷願晚亭有作次韻四首

青鬢東山留野情
白雲西省謝浮名
濯纓池上鷗初下
拄杖林中鶴共行
近榻峰巒爭隱映
撩久松菊自生成
知君興似南華叟
方外逍遙學養生

朱綬華簪不繫情
偶逢林叟亦逃名
他年壺嶠空中嘯
幾日陳崑頂上行
問字乍驚花徑改
棲真初喜草堂成
后塘家近頻還往
懶慢吾應愧

邴生

萬事渾忘涉世情
眼中耆舊識君名
歌聽漁父扁舟樂
遊伴奚童採藥行
燈火野厨今雨到
薜蘿山服暮春成
却憐謝傅冥棲久
青鏡相看白髮生

招攜長識野翁情
潦倒看花不記名
丘壑頻年懸榻在
風塵何處拂衣行
夢中舊事尊前盡
霞上新詩竹裏成
浪迹雞峰閒歲月
浮萍天地一吾生

秋日集諸廣文兼餞鄧旂山知虹縣之行

夕雨繼晝農里相歡口占志喜速客三

首

朝來雨色動柴扉獨坐蕭蕭對翠微偶見磯頭
幽鷓浴翻疑海上倦龍歸青連徑竹枝全亞涼
入庭梧葉半飛欲向故人談底事共看秋水洗
塵機

出戶談農喜色新謳歌今日報恩身華簪赤舄
邀僊客白筍青蔬愧野人嵩雨隨車江北路潘
花纈眼洛陽民交情別後能相憶贈我柴桑漉

酒巾

綠楊踈影小池明
喜劇憑君醉百觥
昨日流鶯別裏聽
他年歸鶴夢中情
兩峰蕃榻諸賢竝
雙劍吳江獨客行
烏几繙經忘歲月
悠悠風雨卧江城

秋興八首

野老年來一散人
側身天地亦栖真
痴童不報公卿札
夢鶴頻驚車馬塵
雲碧雞峰深種玉
潮明漁浦靜垂綸
秋風短髮蕭疎久
把酒相看野

菊新

西源亭俯小湖秋湖上松屏黛色浮晚歲詩篇
傳好事同袍樽俎照清流青山抱郭芙蓉塢白
鳥眠雲杜若洲誰謂無營堪逸老行歌猶有杞
人憂

梅泉近卜西雲淨浪迹江門濁酒杯擊壤年華
曾避客輟耕懷抱獨登臺茅堂環碧迎風篠石
磴分青綻雨苔擬報親知炊白黍蕭騷能爲野
人來

一榻何當戀翠微
魚軒鳩杖客來稀
南天鴈字燕雲杳
北海龍津鳥日暉
遁迹久辭鐘鼎養
倦遊終愧芰荷衣
江湖萬里懷人夢
荏苒風塵各是非

西爽千楓碧樹嵐
攤書應落篋中蟬
詩家款曲滄洲賞
羽客逍遙玉液談
物色東山秋自好
宦情南畝老奚堪
黃花隨處淹踈放
二仲相過認逕三

薛雲梧月慰幽期
晉水秦關動遠思
江上奇聞

多伎倆人間末學竟支離
丑噫曾識梁鴻嘆九
辯深憐宋玉悲西掖
僊郎禁小隱可甘薇
蔭出
山遲

徃歲南歸過建谿
武夷僊侶欲招攜
綠龜楚水遙相贈
玄鹿蓬山暮共栖
去國風烟慙赤舄
憑雲歲月寄青藜
寒劂野色清秋近
九鯉湖邊問藥畦

驛使南來信息遙
滇旌六月拔天驕
清華待旦憂卿相
宣大防秋劇市朝
萬國江山環北極
六

龍宮闕麗層霄他時飲馬長城窟白雪饒歌金
水橋

清明雞峰值雨有作示趙黃二子

二子讀
書雞峰

十年玩世鬢如絲草榻江門有舊期五里城鐘
兼雨暝半村燈火入山遲涓濱老去還垂釣商
洛由來亦種芝管領春風須二子摩雲玉樹慰
吾思

玉澗柴門已避名漫將尊酒付陰晴雲深歲月

歌將暮鬢短江湖夢亦驚種樹獨憐風雨候
栖霞偏慰薜蘿情黃鸝白鳥春爭媚相對山人雙
眼明

山雨茅齋得得聞寒栖應念爾同群春深倏轉
閒階藥野靜初流絕壁雲東郭他年曾卜隱北
山何處欲移文談玄我亦頻留客白幘青衫幾
暮暉

新水何當流滿溪江烟漠漠遠村齊興同謝傳
頻移屣晚過蘓端一杖藜豈有群山青入闥卽

看二麥秀連畦花枝點綴猩紅濕醜酒空庭幾
樹低

集馬子萃中孚堂

扁落百年逢此老一廬人境夢羲皇採芝誰復
憐商皓歌鳳吾應念楚狂世業鼎彝矜海國人
文奎壁麗山堂歌筵穆穆聞鐘鼓酌酹清宵不
盡觴

忠節萃萃公苑逆藩
之難子萃臺諫稱忠

綴錦翩翩浮薜檻連珠炯炯俯芝除空中高閣
栖鸞日地主清尊乳燕初黃石玉塘遲小隱烏

臺銀管靜閒居西源病叟相思久問道崆峒一
愧予

侍御他石祖叔邀鄭雪齋鄭雙石玉澗別
業予侍焉紀遊四首

郭外松光抱紫丘報書晨赴主人遊鳥聲出谷
蒼烟歛野色浮溪碧樹流蔣詡舊開三徑曲黍
真終憶鑑湖舟乾坤落落容踈放醉把荷觴去
未由

醉把荷觴去未由午橋歌憤蘸清流行歌穿竹

開樵路晤語移灘失釣舟原樹依依青極浦巖
雲冉冉白連洲尚平昔日牽婚嫁吾道他年已
四休

吾道他年已四休低松少鶴自春秋懶於丘壑
還多事興在風煙總漫遊桂樹近人苓榻淨稻
花催雨石門幽步兵此日稱名飲欲去還同小
阮留

欲去還同小阮留午天客到自滄洲應門童子
歡攜杖呼酒山人共倒甌竹院峰迴晴翠入石

池蓮淨晚香浮招尋曠有東山興遙夜柴門定
夢遊

譚石川郡丞沈少坡節推同林西谷員外
過雞峰草堂四首

躍馬卧龍總不聞幽棲幾歲惜離群兩公信息
傳青野五馬喧呼到白雲玉澗春催招鶴徑草
堂人訝聚星文攀蘿穿竹深杯在莫遣城鐘報
暮燠

野日谿風罷釣絲竹深留客慰襟期村中芳樹

輝輝竝海上流雲冉冉遲情重使君酬白璧時
清野老戀青芝碧湖晤語多幽事把酒看山有
所思

棲遲豈是浣花谿嚴武風流二妙齊林叟農談
慰白髮主人野飯來青藜簾侵草色通松徑竹
繞泉聲轉藥畦瓊樹欲攀歌別鶴數峰迢遞暮
烟低

諸谿雨過喧新瀨獨鳥天空沒曉晴芒屨荷衫
聊自放朱輪畫戟漫相驚雲山竟日添詩話湖

海他年繫旅情相送柴門歸寂寞卧看江月向
人明

遊壽溪別業呈賓溪二首

清溪華日明書幌詞客徜徉賈壯心白練寒拖
天漢表素琴晴瀉使華陰仙源花泛蟠龍窟野
渡雲生乳鶴林他日放舟過剡曲相思因寄紫
芝吟

五月七日談林隱賓溪主人猶壯顏雲間高閣
俯蒼野竹外虛舟浮碧山洗耳不驚遺世久濯

纓漫喜放歌還瑤華近報芳尊信浴鷺眠鷗意
共閒

芒種過雞峰見早秧不入土用韻志憂四
首

青簾香度山光午赤日林侵鳥影東閉戶風塵
千里迥感時雲物百憂中人多餐蕨悲懸磬野
有移家嘆轉蓬潦倒年華真自惜相攜應愧鹿
門翁

欲從方外寄浮家邑里蕭條感髮華白頭不歌

腸欲結赤霄頻望眼生花烟稀萬井烏棲屋流

斷雙溪蟻渡沙社鼓村燈還舊侶厭聞江上報

晴笳

村落抄掠
惡少聚衆

說旱談荒隔幾秋間居增覺歲如流祇慚畏日

逡巡走安得御風汗漫遊龍起星河連四澤雲

低蓬海渺三洲司空老去王官谷一榻翛然聽

雨留

撫楚疏
災乞歸

幾日石門看雨色農朝驚見尺秧攢薜厨午火

藜羹細竹枕西風布被寒似夢百年驛棹近短

雲萬事稱心難詩成欲寄城中友雲漢愁人更

倚闌

連旬朔風
雲作輒散

陳三宜吳三麓登梅峰摘韻三首

群峰寂寂后堂前極浦平洲接遠天桂醕涼風
翻撲蝶松門晴翠亂鳴蟬簷清雙樹壇烟細楊
近三芝海日懸栗里柴桑還舊况黃花白社亦
前緣

上方亭榭幾清秋野老玄蹤一杖留別院鐘聲
蒼靄斷前溪蓬影碧烟流閒來談隱多攜伴老

去逢僧易散愁却憶廬峰明月夜吹簫曾倚萬
山樓

星河渺渺湛秋光坐數流螢過草堂湖上孤村
榕葉暝雲間三徑菊花香幽居漸喜無人識野
興何嫌對客狂一臥江門漁父笑放歌隨處泛
滄浪

陳梅洋招飲月峰寺與林西谷吳三麓同
往因懷謝北山四首

青郊遲日水明沙海色遙分綠樹斜共國三年

淺几杖看山雙鬢入烟霞香清別院聞僧梵塔
散晴燈見佛花玉署蘭臺今不夢尋真學道欲
無家

朋舊追歡異昔時况復佳勝總催詩林深鳥語
聽全細寺遠鐘聲出較遲白社閒情驚汙漫碧
山春事慰交離移尊更上溪亭飲回首月明歌
紫芝

野徑荒蕪步紫苔竹光松影妙高臺江山老子
春何負風雨漫郎今復來散局鉤簾四壁淨提

壺籍草一溪迴月峰舊事僧能說短髮共驚鏡
裏催

隔歲相過思渺然薜壇蘿洞淨娟娟胡麻飯熟
鳥雙下蘭若花明雲獨懸主人投轄還幽事病
客餐霞果宿緣何日雙林招謝朓杖藜隨處漱
飛泉

讀翠庭翁詩翁移酒至書室二首

石湖居士寰中僊楚水巴山謝舊緣風雨夢清
玄鶴徑江湖春淨白雲編右軍冲曠頻招客小

阮衰遲久愧賢蘿月薜煙秋事遠鄰翁溪友酒

杯傳

陳宗本
同在席

朝來信息報雙魚倒屣逢迎鬢髮踈栗里青山
橫北郭函關紫氣動吾廬松風浙浙吹鳩杖野
日輝輝度筭輿丘壑風流還犬老望洋瞻斗意
何如

弔馬忠節翠峰公墓

光祿高名字宙間一丘蒼鬱隔人寰睢陽死后
中原定朔漠庭空漢節還南浦春深瞻俎豆

峰月曉憶容顏蕭蕭松栢霜前榦長與王裒涕
淚攀

飲東山二首

丘壑風清更大年瑤觴二紀喜隨緣惟應道錄
留青史敢謂衡門續太玄清珮九華凌紫極短
筇二雨下蒼烟春來我亦尋真叟歌管聲中壁
月懸

安石當年且隱淪東山留客歲華新斑螺紫蛤
頻催酒玉樹瓊芝賸借春潦倒猶堪呼秉燭衰

遲祗合伴垂綸尊前忽忽驚華髮腸斷吳門報
戰塵

林蒙渠移酒草堂

璧月瓊枝復此觴南屏晴翠酒篋當閒身作伴
爭呼白醉語逢人獨據牀白板扉開分野綠青
霞村隱逗雲蒼蒙渠一曲涓涓淨何日相從卧
石梁

同林西谷顧願齋過西冲寺三首

野人雲卧惜流年古寺重過思渺然春淺明花

初出檻寒輕青鳥自啼烟碧山已慰招攜共玄
圃虛疑夢寐偏杯酒談空閒半日却憐老至有
僧緣

寶溪南下西冲寺竝馬來看優鉢花漠漠高雲
初度雨冥冥深樹已藏鴉禪心慣臘忘塵幻客
意逢春感鬢華欲買一丘成小隱香山道侶共
餐霞

林僧漫憶經年別愛爾風塵長道容坐石看雲
長閉戶隔溪迎客不鳴鐘虛無野綠孤蘿徑蒼

秀天低亂雪峰白社遠思廬阜好只今空隱話
高蹤

丁巳元旦鳳山寺祝

聖次戊申韻呈鄭于野亞卿林汝雨都憲
元旦歌鐘淑景長側身北望遠清光兩朝眷舊
今衰白萬里風烟歲渺茫鳳閣上公仙侶烏龍
涎西苑御爐香放臣亦被陽春澤桂蕊梅花共
晚芳

燈火山城動碧墟朝正簪組五更初北傳驛使

長生籙春到田翁小隱書化日定銷兵甲釁稀
年全放鬢毛踈葱葱佳氣籠清曉雲物誰當紀
草廬

老去萍蹤自散人北門南畝寶藏身風塵屢報
鄉關暮湖海長懷帝里春玉澗浮鳧留野几珠
林啼鳥度煙津夢中天路曾窺管萬壽山高接
紫宸

山人祝 聖及清時梵宇傳香亦羽儀梓里冠
裳三老在楓宸星斗九霄遲頻聞虎旅勤推轂

遠憶雞人舊諷詩二十四年成小隱石門童子
種青芝

七言排律

舟出東關會黃伯固見訪

予時有夷陵之行伯固
訂不入城東關相會

六事封章觸逆鱗
圓扉相對泣明神
恩寬萬死廟廊聖業重
千秋社稷身
函谷書成藏外史
薛
支藥長迥風塵雲
航飄渺蘭陂曲
桂醕夷猶野
水濱豈混烟波稱
釣叟漫逃城市狎
垂綸海門

漠漠漁歌遠天漢萋萋星使津惆悵三湘懷屈
子江籬江芷共纓紳

和郡守吳雲泉座上十僊歌

郡伯雲泉公介而惠良偶齟齬當道即
促裝而歸余全林西谷林養齋柯石莊
柯希齋鄭雪齋廖梅南顧頤齋葉梅麓
懇留移席西源因座上留題放歌親書
素壁
賦謝

一麾夙望謝塵緣柳拂征車散綺筵露覆棠陰
春有跡霜清琪樹日無邊涓城離思賡三疊草
閣留題紀十僊字挾珠璣闐素壁氣干霄漢擅

新篇偃松柯蔭蟠龍動翠巘花明細雨然一嘯
繁華歸夢覺百年彩綬自翩躚稽山逸興羣賢
集康樂詩名異代傳遮道風光攀去轍曲終雲

黯少微甕

附吳雲泉郡伯座上十仙歌

二山夜開綠野堂方池亭影迴天光蛟龍
隔水弄松色紫帽西來連女墻漁篴一聲
何處起野人即欲泛滄浪泛滄浪十人那
讓唐謫僊飄飄雲錦支荷香梅南但笑不
肯和雪齋獨立嘆蒼茫西谷從來多興致
石莊呼酒招春陽招春陽座上風流追兩
漢顧翁大雅殊未央梅麓希齋正博塞養
翁柱史醉欲狂二山已愁樽酒盡雲泉大
叫添瓊漿添瓊漿十人勞記取他年天一

方沙汀鳥跡增感概琳琅不惜遠寄將古
人那知今不如群公勳業青篇揚
余明晨北歸中丞欲爲智泉之遊余不可
留移酌草堂已夜漏三百刻矣雅唱未止
索韻羣英聊此應命

愧瘖集十三卷終

懷瘖集卷之十四

莆田二山野人林大輅稿

七言絕

王應時員外林以吉御史飲吳山口占爲

別六首

暮春遊屐過巖谷首夏飛觴俯薜蘿岐路只今
驚語別仙都入境得春多

南北兩峰遙對酒鬱葱三竺靜聞鐘塵寰漫訝
非玄圃人代虛疑隱赤松

野橋高拂嶺頭雲
省署烏臺劍氣分
湖海吳山
雙眼濶禪門香靄上
踈筠

松根絡石猿初穴
竹蔓當軒鶴舊帡
珠露皋蘭
誰點綴錦霞塔藥自將迎

睽遠數載九峰夢
邂逅他鄉千里心
淺綠深紅
年事好禪宮道宇石林深

午日僧厨苜蓿香
薰風初送晚烟涼
叢林客到
辭車馬看水看山話更長

逢王應時二首

半載山中不寄書
吾翁白髮近何如
憑君報我平安信
獨對滄波憶草廬
病客南歸兩月程
浦雲巖樹寄閒情
仙郎彩筆青霄上
鵷侶先矜海內名

徐淮雜興十絕句

白竹山莊歸路賒
霧船風纜欲爲家
芙蓉黃菊秋如許
盡日南行不見花
千里天風吹海雲
樓船簫鼓漫紛紛
馬卿卧病已斜日
楊柳梅花那可聞

淮上行宮杲日輝南征開府簡書稀
清源秋暮驅鷹犬虎旅轅門有是非

黃河淮口拍天來海色洪濤聲萬里
迴却憶潭州唐別駕斜陽舟楫一銜杯

昨日雨多今日晴蓼花無數大堤明
三老呼風真慰意夜篷看斗到彭城

徐州城郭入風濤岸上居民宿小舸
多少玉官催戍餉南巡消息日蕭騷

戲馬臺高生竈烟荒崖踈草水涓涓
獨無內史

分倉粟猶見司農推稅錢

過雨邨畦翠蔓勻沿流賓館白茅新
野花隔岸開無主水鳥銜魚飛背人

百丈高隴下呂梁劒崖石戟隱蒼茫
夜行艇子飛如鷁落日長河野色黃

達高郵寶應二同年

南歸十月過高郵刺史逢人却倦遊
逐客舟航無畫鷁江楓斜日碧雲流

寶應清湖百里寬蒹葭風雨入冬寒
孤城桃樹

濱春長猶隔河陽縣裏看

過武林八絕句

檻外芳洲記昔遊北來風雨滯歸舟
遠山得得如相慰紫桂黃花開幾秋

后洞松花流紫泉芝壇瑤樹散晴烟
今人漫爾談仙蛻去鶴來雲知幾年

春榼芒鞋興不孤二高峰自峙西湖
南歸病客還多事十月風烟寒桂梧

江流曲抱鳳凰山昔日蛟龍見御顏
豈謂旌旗

忘北伐故教戎馬竟南還
蘋藻人知薦岳墳南枝啼鳥不堪聞英雄一死
關天意河朔江南總暮雲

岳家軍令如山重燕薊真摧萬里城偏仗乾坤
此杯土冷風淒雨古今情

乍聽僧鐘憶翠微雲岩烟渚夢中稀他年天地
容疎放直與嚴陵乞釣磯

處士清風寄草堂梅花山色共年芳前時報客
林棲鶴定老西湖雲水鄉

浦城道中逢黃仲瀾洪鳴雍北上二首

馬首丹楓葉亂飄，酒旗茅店午山遙。
相逢喜得家中信，惜別含淒過野橋。

得携兒女促歸程，歲晚風煙到浦城。
欲寄親知書數紙，薊雲燕樹遠含情。

歐陽石江候予於谿澣二首

山館濱谿俯午湍，石林繫馬散憂端。
相逢真愧爲官在，歲晚江湖旅夢寒。

美郡向來稱劔浦，次公初報漢循良。
舊時雄辯

會稽啞漫說龍津光燄長

黃后峰訪予艤舟東關子乘舟見之答贈

四首

郭外山光晚更奇小童相報客來遲飛鳶躍鯉
明雙眼倚檻攀雲定賦詩

寒流如鏡杳蒼烟魚袋馬鞍青可憐我欲乘舟
過野渡細聽玄語一尊前

鹿門棲隱楚山清昔日龐公不入城闕下從君

歸萬里故園無限薜蘿情

后峰詩來約不入城

孝廉舟楫從人識城郭風塵獨爾猜遙夜雙谿
蘸星斗江門逐客好懷開

素翁拉后峰遊下墩林園予侍飲紀事四

首

林墩亭子籠雲立碧樹扶疎出午橋谷口老人
初下榻天留僊侶似松喬

海上尊鱸歸興同紫芝黃菊百年翁鄉園未許
淹耆舊獨樂人疑司馬公

后峰精舍書連屋東郭平園花映渠隨處烟霞

慰踈濶相期一夢入華胥

冀北閩南滯好音金陵宮闕五雲深
憐君忘却風波恨惆悵三閩澤畔吟

野日二首

野日寒流淨薜蘿斜林極浦暮烟多
山人欲謝風塵債一舸江門弄碧波

林逋蹤跡尚人寰採藥虛言萬里還
暫向江門寄苓榻數聲鳴鶴出雲關

題鄭世潤御史畫四首

午山花雨暗江干十里沙
邨半送寒松下釣磯
人未老江南春事憶垂竿

微茫煙樹隱丹丘石室江門俯碧流
夢覺松風吹几杖斜陽鳥外獨歸舟

草玄雲谷謝方旌世上浮名空復情
碧沚縉風涼白杜紫崖香露熟黃精

雪峰歷歷入同雲谿上梅花澹晚芬
可是兩山招隱路近人麋鹿亦成羣

譜親友邀餞舟中三首

清溪簫管漾行舟一別鄉山知幾秋
暖日津頭楊柳道長沙曾似賈生遊

幾曲驪歌蘭水東鐘情多在酒杯中
西陵去國隨芳草南浦懷人數斷鴻

正月十日出江城孤舟風靜野雲生
離觴轉覺春寒劇惆悵親朋別我情

正月十三日往夷陵黃后峰別于涵江三

首

握馬空憐野鶴蹤出門岐路意千重
山人莫問

飄蓬事煮石，殘霞自後峰。

石牀燈火戀囊山，三日淹留地主閒。
疋馬瀟湘吾獨往，思君夢入九峰還。

共談世事駐行杯，羈旅交情白髮催。
雲谷書成應贈我，峽川還寄楚騷來。

溪行四首

隱隱溪光初變晴，懸崖流水散春聲。
關心一樹梅花白，都與南州紀去程。

早聞舟子說春寒，破浪衝風放艇難。
白屋小山

愁病裏夢魂猶自遶長安

風濤百丈驚滄峽
雨樹千行動碧虛
雲外石橋最幽寂
背村雞犬野人廬

十日清溪憶故鄉
霧岑烟渚下魚梁
木蘭應有開行者
日採江花卧野航

聞顧豐城佻談宸濠事
愴然作歌十首
漢家社稷重金城
吳楚兵戈一戰輕
昨日鄱陽江上客
夜深猶聽鼓鼙聲

玉鼎金甌出國門
萋萋芳草怨王孫
却憐幾夜

西山雨不洗宮前血淚痕

黃石磯頭散賊群千艘萬艫寂無聞
漁郎識得中軍隊歌罷虞姬哭暮雲

安慶江邊鬼火紅賊圍潰入夜濤中
張侯林倅

崔郎力不數睢陽保障功

安慶張知府文錦林同知右祿都司崔文

江北江南報羽書遊魂江上釜中魚
同舟劉李緣何事斷骨腥風慘未舒

逆虜招亡祗敗金樓船六日到金陵
那知高廟

英靈遠二水三山玉氣凝

僞檄連星下九江
逃官逋帥膽俱降
孤城鎖鑰
掩人據鎮日開門
樹彩幢

豐城聞變劒江寒
爲報王都返吉安
六郡義軍
同日檄英雄勳業
屬艱難

都臺憲副豈輕生
漢署薇垣死有名
多少王官
其械繫只今遺恨
豫章城

積薪環戶進賢劉
偃草人心定此秋
寶劒幾回
真殺賊平原當日
未封侯

新喻道中宿田家二首

童子招呼兩犢歸柴荆門巷入霏微田家穀雨
村村白芳草晴原照落暉

門外陂塘流野泉隔窗風雨漲平川飲牛浴鴨
兒童喜擊鼓踏歌人種田

長沙道中三首

紅紫山中野草花三湘愁鬢倍年華放臣消息
春來好月白千峰夢到家

雨霽前山雲未收午亭春望轉遲留梨花白傍
溪風細桂樹青圓野日浮

獨聽黃鳥囀南枝不見輕鷗泛碧漪
曲岸迴溪寒色暮楚山隨處白雲遲

瀏陽題懷歸卷二首

石溪花雨濕書帷千里歸心欲種芝
寄取午莊閒歲月白雲行跡少人知

青山白水故園春夢裏還家路未真
逐客三湘懷往事柴門風雨稻花新

宜都江行二首

雲樹荆山鳥亂啼草烟如黛午天低
江鄉兩岸

世系集 卷之二
歌聲起春酒逢人醉共攜

桃花深谷巴溪水三月晴江入楚遲昨夜饑頭
漲三尺石橋看雨坐題詩

過江謁黎御史龍漫書二首

橫江曉雲吹野風津頭蕩漿白鬚翁舟行不行
浪拍岸小兒裹飯啼門東

江頭南岸桃花開畫舫喧呼御史來旭日西州
人吏待莫教青蓋動飛埃

遺興二首

讀書不點牀頭易嗜酒難逢江上樽
樵谷釣磯俱入夢暮雲春樹獨銷魂

惠州飽飯眉州叟海上風流今有辭
浪迹未應驚吏隱直教淪落鬢如絲

江上觀漲四首

端居漫意讀黃庭谷響雲寒風雨冥
晚向城頭看新漲遠山平放數峰青

孤舟長繫南津渡積雨翻江駭浪生
秋到魚龍俱寂寞野人觀漲出山城

灑灑陰多壽拍天黃陵石出近平川墓培亦作
浮沉態老對江門楚樹烟

萬里岷江此上流夷陵東下有荊州湖田茅屋
蛟螭窟伏雨關風菰菰秋

雨后卽事五首

紫萸空庭漫看花况多芳草雨堦斜朝來買酒
不惜醉眼煖看渠長雨芽

蚯蚓衝霖迸出泥拂牆楊柳鳥群栖江天幽事
寬羈旅退食呼童學煮藜

粵客西來滯遠音倦遊踪跡愧朝簪胡牀布被
不舒滕江草巖花俱賞心

蒼苔細雨沙邊淨白竹小谿烟外昏萬事遲迴
仍藥物兩山幽僻有柴門

燕子朝來飛不定祇今風雨尚遲歸山人憐汝
亦爲客飄泊如何羽翼微

九日彭守官齋觀菊四首

尊前秋色使君家逆旅相看九日花望遠獨憐
身似寄滄洲還憶去年槎

愧瘖集

十四卷

頁四

群芳玉立對青卮把酒相攜月影移一曲榆歌
秋欲暮江城烟樹日相思

短檻香浮紫與黃美人初酌碧霞觴風流共暮
柴桑叟笑領白衣入醉鄉

主人愛客黃花笑何處狂夫岸幘來江上芙蓉
開似錦明朝載酒一登臺

遺興十二首

三峽烟花兩載過赤城玄圃夢如何踈簾風定
香烟裊雲聲無敲桂影多

雲間初識三遊瀑仙液何年劈石梁欲聽啼鶯
春雨後一筇攜客飲丹房

仙翁辟穀道容清一榻雲山誰共爭却訝乘雲
人去後更無遺老住青城

江花不入倦遊看萬里天風積靄寒豪俠豈知
彈鋏意劒門蜀道古來難

昔人岳麓曾留榻我欲衡山作隱圖直與白衣
傳道籙雲房日觀渺天湖

龍宮鳴玉三珠近鳥道盤雲萬壑秋賈賦屈騷

九
身
集
之
日
卷
三
三
當日事汨羅湘水萬年流

洞天猿鳥小谿明玉樹瓊華抱雪生斗酒憑高
驚節序夷陵吏隱亦浮名

山桂汀蘭僻自芳春風歌詠入滄浪楚浦一夜
君山夢聽樂軒臺望帝鄉

衡陽歸鴈楚江來峽水東流萬壑回試望漢家
春色遠五雲縹渺護金臺

蒙叟何心吏漆園著書聊復憺卮言祇今秋水
浮天地誰復望洋過海門

長羨次柴桑漉酒巾折腰無意傍風塵穀城他日
遺三隱夢裏青山不負人
楚客棲遲不計還瞻雲看斗紫霄間歌聲自放
黃牛峽劍氣長浮白虎關

竹枝詞七首

門外風波擁去船倚門愁望一潸然南來北客
卽同伴不見卽書今兩年
黃陵行祠日薦香江村少婦剗離腸頻將細語
占歸信夢隔錢塘一水長

碧紗牕外石榴花，郎見花時定憶家。
阿童若解催行李，好趁秋風漢上槎。

維揚樓外舟如蟻，維揚樓中多舞衣。
琵琶一曲春無限，不啻楊花汗漫飛。

舍北青林啼杜鵑，朝朝暮暮綺窓前。
夫君客邸何曾見，明日清明又一年。

嫁夫莫嫁江湖客，離別年年愁暮秋。
欲采芙蓉寄流水，寸心難到古涼州。

斜月下牀總五更起，呼鄰婦同春耕。
三年飢飽

無人念苦雨淒風空復情

入山度田別彭席二寅長三首

孤舟疋馬去來輕
曉日荒荒出郭情
自放吟懷
變眼澗野人隨處
報山名

雲裏畲田高可登
斜陽一榻萬山層
炊烟欲斷
無雞犬寒入飢
鼯上野藤

官齋燈火分宵語
猷齷憂深轉寂
寂更與使君
膏雨澗未須田
峻報春苗

寫憂四絕句

恨不生逢席光大噫吁清淚幾沾襟朱顏綠酒
前身健楚水仙踪悵武陵

癡絕誰能慰此情楓林院落病長卿從前語笑
猶堪誦愁斷巴溪過鴈聲

悶坐誰當解我悲踈櫺梧雨立移時金華建業
人長逝夢裏思君白鬢絲

思陸汝亭
何孟循也

遭逢今復 聖明朝鐘鼎山林寄寂寥辛苦生
還惟賈子長沙遺恨夢迢遙

昔諫南巡杖苑者十餘人新 詔賜還生

者恩矣予憂死者之命之窮也

與諸邑宰談別二首

宜都東下長江流
楓野蘼汀欲倦遊
十里天風淹去旆
西陵回首更悲秋

仙令長陽別半年
琴堂魚鳥石溪前
相看不及同遷去
魂黯南津啼暮猿

道中感懷口占四首

古木經行迥宿雲
蒼蹊青薜兩旗分
亂蟬隴外吟鳴咽
併入秋聲馬上聞

三年逐客遠瀟湘
得失悲歡傀儡場
隨例歸朝應望外
獨慚還往少文章

三峽東遊盡九江
吳檣楚柂壯心降
今朝懷舊成陳迹
欲向鹿門覓姓龐

廣文別去復遲來
憶昔銜盃江上臺
寂寞離旌行色遠
紫薇花簇舊叢開

宿玉泉僧舍不寐賦別楊分教

苦逐塵踪不顧家
繩床今夕卧煙霞
蕭條枕上聞僧磬
月色蒼涼到桂花

儼寐長燒寶鴨香那知玉露浥征裳思家不作
原山夢祇戀燕臺勝故鄉

何地重逢楊子雲出門相送忍離羣墨池燈火
涵清夜歲晚音書千里聞

濩落虛疑入楚遊江洲雲樹抱清流鐘鳴客至
披襟語共喜泉山兩日留

銀河壁月縮悲歡離別南天忽薄寒客子踈狂
增病髮壯遊看斗獨凭欄

白髮上人老任持憐予牽復未衰遲焚香閣外

供清茗洗鉢階前乞舊詩

僧乞詩留執請宦賜環皆留談爲空門重

羅汝延訂黃鶴磯語別因懷李沔陽川甫

八首

喜見晴川羅汝延磯頭閒坐使君船東流日蘸
金沙墅簫鼓浮蹤記此年

高談更僕意無涯隔水南洲映晚霞舉白未應
辭地主高林涼吹欲栖鴉

瀟湘歸客遠懷人兩月鄉書倍愴神鴻鴈北看

來日下離觴同醉菊花新

八載逢辰愧我生青萍綠綺百年情同庚歲序
誰憐汝川甫明州倅海城

黃鶴樓前歌竹枝禹祠大別佇青螭乾坤何限
浮生事獨洗荒苔讀古辭

粵客舊遊悲落木楚天濶別念深秋岸花蘋蓼
明蕃楊水鳥鳧鷖上李舟

江湖兩載判夷陵夢裏三遊玉樹林斗酒相看
京國別月明千里故人心

江夏黃童重楚山古來風壑滿人間羅合更有

孤高興不愧清朝鷓鴣班

安遠書事九首

長夏山城鬱不開
偶隨青竹坐平臺
隨風乳燕將雛去
喚雨鳴鳩逐婦來

臺使十年不到城
野人今復擁旌旌
赤雲玄霧非蠻瘴
白鳥黃鸝豈世情

風俗猶存父子兵
揮戈躍馬死生輕
只今豺虎稀行跡
石堡黃鄉猿夜鳴

金華太史宋潛谿
爲令風流昔不迷
豈有衡山

雲侶墨濂溪，巖巖嶺故栖。

龍門述作欲經綸，尚有匡時志未伸。
金馬石渠他日事，武城單父古之人。

閩粵封疆各渺然，太平文教已多年。
請看昔日佩刀者，不奉租庸獨種田。

湛露踈星半有無，思家步月到青梧。
十年湖海雙踈鬢，萬里風塵一病夫。

青山郭外覆晴嵐，晏起加餐聞舊談。
忽有耳鳴左若熱，可能三日到龍南。

十日淹留知素餐敢於吾道厭艱難
麥斜雲樹三千里石谷松門六月寒

廬山觀瀑十絕句

看山又到開先寺雙瀑飛空夾峽寒
獨立風前信飄灑不知身在碧雲端

午日斜侵碧樹雲玉虹長噴雪繽紛
山靈似決天河水留與人間洗垢氛

百尺崖聲清几杖三秋谷口灑烟霞
客來不辨山中酒直取僧瓢煮佛茶

青玉峽前翠欲流蛟龍長自傍人浮瓊花瑤草
連春色不啻塵寰有別愁

臨流終日望龍湫古思幽期可自由日落香爐
仙子句廬山書舍有雲秋

鴈蕩飛泉稱最奇海風吹雨漾蒼漪倦遊未泛
浙西棹獨對匡廬慰所期

昔遊還憶廬員外把酒看泉欲暮鐘三楚歸航
今獨笑煙雲猶自鎖高松

黃巖精舍只數里瀑布寒流自上方道人更有

白雲調吹入石門朱草香

鐘鼎何心戀楚臺江湖萬事一尊開
香爐雲紫龍湫白歲晚攜僧客又來

南歸幽事在青山惟有廬峰可閉關
盡日泉聲消病渴鶴鳴鷗夢共潺湲

劉約齋顧願齋攜酒雞峰十詠

雙鴉綠樹隔林啼過雨巖泉下午谿
細聽劉晨談小隱草堂煙景柳橋西

小壺高閣對青山春日鶯啼思共閒
欲借西州

芳草榻一尊風雨白雲間

躡蹬登雲舊侶來碧江青海送餘杯主人歌罷
梅泉晚倚樹看花醉幾回

莊叟漆園稱傲吏留侯黃石共遊僊山中萬竹
雲扉淨野老崆峒興渺然

海日蚌山澹遠波仙人遺我穀城歌獨憐返照
留栖鳥玉澗春聲出薜蘿

鎮日看山衣着巾年來雙鬢數莖新故人車馬
逢寒食潦倒農談又一春

霞徑杏林隔一谿飛泉香靄望中迷鄰翁相見
延初服抱犢閒聽布谷啼

白髮漸多倍惜春呼童澗畔灑花塵只緣客到
饒幽事乳燕鳴鳩亦傍人

鶴筆翩翩訪隱淪白雲流水到柴門興來杯酌
松花釀別去詩留野老邨

雙魚何意報書遲載酒煙厓谷影移剩有碧壇
蒼鳩句楚童無賴解催詩

中孚堂醉別馬師山玉筆峰十首

草色尊前翠欲勾，芒鞋初探玉塘春。無情歲月
閒相念，獨喜梅花共野人。

中孚堂入碧霞峯，春到烟花錦作林。試與馬卿
同耳熱，午時山酌暮絳陰。

我愛詩人丁卯橋，白鷗無數款芳韶。醉來朗誦
閒居賦，雙珮蹒跚挾兩髭。

別業年來隱薜蘿，凌霄松栢月華多人間幽事
微。君在燕寢香清漫踏歌。

春風蓬鬢木蘭舟，黃石青山歲幾遊。更遲流鶯

歌調滿爲君同卧對山樓

江門歸路海潮生原樹谿花雙眼明
入夜玉塘思不徹兩山春夢薜蘿情

沮溺當年亦耦耕陽山還憶放歌行
薇花幾樹輝青野萱草三春媚穀城

浦口長風吹水立濤聲平楚帶雲移肩輿徑黑
吹村火薜戶何人歌柳枝

漫客歸來過十載王維遺跡更文章
耕原早晚招耆舊好寄雙魚到草堂

筆峰師山居相去十有餘里過從必相訂

東齊魚鑰報開門野嘯漁歌出近村白髮南州
誰下榻小湖風雨逗清尊

陽山晚步雜味呈馬師山王筆峰林巽峰

六首

光祿墓田足種芝海門歸鶴定前期彤霞獨抱
崑山玉喜見中卽有道碑

欲借蓮峰稱醉后不嫌風景異柴桑朝來日色
暄晴野麥酒相留興較長

王喬幽事渺荒洲仙鳥飛來不自由漫把新詩

催酒醖風前春服碧雲流

筆峰自耕原來

京口吳航歸歲暮金蕉清夢定淹留使君寶劍

光克斗看水看山念舊遊

巽峰自鎮江歸

煙火村中只數家老人迎客乍烹茶雨風過盡
春三月是處天風枳殼花

劉晨顧況歸城郭半日清尊隔翠微試問陽山
高幾許主人雲谷有柴扉

夏日同王槩谷劉約齋訪王筆峰于耕原

朱損巖來會別去馬師山約次日相遇

遲之不至乘舟而返卽事八絕

耕原去城三十里相過問路初杖藜薇花照閣
山日午野鶴迎人谿雲西

王粲南歸桂樹期蒼梧今有使君詩江州朔馬
瞻雲地玉笈瑤函祝聖時

十年蹤跡混樵漁短褐風煙白髮初畫省憐君
年獨少江門清夢欲何如

不見蘭臺柱史來江湖懷抱幾時開城中病客
相思久遲爾蒼霞碧石臺

文峰春樹曉氤氳
藥圃頻過麋鹿群
一榻未緣談細雨
可能相贈北山雲

嬾性人傳馬少游
閉門應自臥青丘
二毛相對鶯花媚
隔水思君一釣舟

海上群峰紫氣浮
遲迴若爲一尊留
山人莫漫悲生理
翠管當年飯五侯

豈驚瑤札遺青鳥
獨惜瓊杯散紫霞
情悄谿迴漁父棹
眼明花對野人家

仲春同林養齋訪鄭棠泉新兆賦贈六首

麥隴中春青未了
桃林南墅碧初勻
佳城應合
前生識擬卜雲巢住野人

郭外肩輿曉霧清
東風吹煖伴間行
繡衣攜酒
堪留客談水談山不盡情

白髮虛疑生事踈
躡雲栖石夢醒初
朝來緩步
前坑近聽說青囊一卷書

梧樹懸溪山出雲
九華僊客偶同群
憑誰覓得
青精飯醉裏東山鍊笛聞

胞中丘壑欲忘言
西巖前坑舊稼軒
三十年來

愧瘖集

十四卷

五

猶卻掃何緣地主共清尊

山鳥迎人僻處啼自鷗春水小塘西墓田種秫

山人喜社酒村中先杖藜

宿雞峰八首呈顧頤齋學憲

玉澗清流杜若香村前谿影蘸松光老來朋舊
無車馬白帽青袍雲水鄉

洞庭別來一野人竹塢松門不記春曠欲殫霞
禁白髮那知桑海有揚塵

南塘水滿碧雲流長日鳧鷖相對浮朝到柴門

臥至晚山中寧有徐南州

隔嶺阿童掉臂行翻驚空谷嘯歌鼓山靈知我
遺榮久野日荒荒太古情

萬竹簾中杜宇啼鐘鳴西巘出招提讀殘莊叟
南華卷淨几浮香夢不迷

林棲出谷烟霞間綠玉青藜數徃還五里漁樵
隔塵事昔年曾訪鹿門山

臨水梨花三樹開銜杯間月獨徘徊西洲僊客
閒於我何日重歌白雪來

隴樹浮嵐山桂香春風不動野情長雞峰恰擬
柴桑曲漫撫瑤琴拂翠楊

南山醉餘乘興過巢雲次韻四首

我愛王官居表聖九霄雲紫蒼髯龍禪心一
無生話片石孤峰伴七松

濁者爲賢清者聖醉中豪氣動蟠龍秋深風雨
芝壇淨春在溪邊百尺松

蓮峰大士追西聖法雨晴空青籜龍溪聲不洗
人間夢我在孤山學種松

慧日曇雲誇七聖西來老子氣猶龍
閒中薇蕨分山酌獨下澗牀一撫松

山亭宴集四首

茅屋閒雲下翠微偶因林叟話忘歸
山梅幾樹花如雪點綴尊前傲晚暉

不到溪堂兩載餘探玄抱朴意何如
是非莫漫論堅白中散年來有素書

碧筠紅藥氣初勻溪上年光轉眼新
三月春來寒谷暖與君同是太平人

郭外看山未有期相逢乍喜歲寒時烟霞谷口
尋常在坐對江門一賦詩

感懷二首

菽蒲風靜暮溪分流水扁舟度白雲却憶他年
入楚客看山曾訪武夷君

兩溪風日共清輝碧樹晴烟接翠微欲訪山人
談舊隱碧霞明月上漁磯

詩餘

蒲江紅次韻

歷歷溪山如許清蒼茫幾曲平看野色雲厓松
巖茅屋初宵天際月華生相對山人顏如玉檻
外清光浮十里螺青鴨綠灑芳魂東籬菊挹
青標西村竹嘆麟閣曾榮鶴林曾辱栖霞布被
百年閒對月荷觴萬事足醉拍胡床問鄰翁新
醅今熟

漁家傲次王半山

橋西亭子清溪抱東風吹綠閒堦草碧石灑晴
霏時有漁翁到呼童休漫雲枝掃竹杖玉峰

挹翠寒荷衣瑤樹流香早等閒莫負頭顱老試
問延橋村肯博長安道

浪淘沙

芳樹簇攢青天畔孤亭蘼蕪如黛石如星一曲
虹梁堤十里碧局蒼屏松雨隔溪冥風曉烟
汀繩林薜幌白雲扃石田知在柴桑曲黃獨芝
苓

八聲甘州次蘇長公

任逍遙詩句供春事洗盞待雲歸正蘭舟解纜

江光浮練長笑玄暉滿目烟花相對却悟昔年
非看海上鷗來箇箇忘機

翻憶西湖老子有孤山白鶴禪室松霏計當時
三隱天上客星稀笑吾生韶華轉瞬鄰翁溪
友莫相違可等閒澹峰玉澗西地山衣

愧瘖集十四卷終